


**Автосалондан енгил автомашина сотиб олиш учун истеъмол кредити бериш
тўғрисидаги /_____/ 2024 сонли КРЕДИТ ШАРТНОМАСИ**

06.11.2024 / Қорақалпоғистон республикаси

“Ипотека-банк” акциядорлик тижорат ипотека банки, бундан буён шартнома матнида “Банк” деб юритилувчи номидан Низом ва Бош ишончномага асосан ҳаракат қилувчи Банкнинг Қорақалпоғистон Республикаси филиали Филиал бошқарувчи ўринбосари-фронт офис бошлиғи: _____ бир томондан ва кейинги ўринларда “Қарз олувчи” деб юритилувчи фуқаро _____ (паспорт маълумотлари: АА0000000 , 18.02.2023 йилда _____ томонидан берилган) иккинчи томондан, биргаликда “Томонлар” деб юритилувчилар ушбу шартномани қуйидагилар тўғрисида туздилар:

ШАРТНОМА ПРЕДМЕТИ

- 1.1 Банк Қарз олувчига **Chevrolet** _____ русумли автотранспорт воситасини (кейинги ўринларда “Автоулов”) сотиб олиш учун ушбу Шартномада назарда тутилган миқдорда ва шартларда кредит маблағларини ажратиш, Қарз олувчи эса олинган кредитдан мақсадли фойдаланиш, ажратилган кредитни ва унга ҳисобланган фоиз тўловларини мазкур Шартномада белгиланган муддатларда ва шартлар асосида тўлаган ҳолда қайтарилади.

I. КРЕДИТ МИҚДОРИ ВА КРЕДИТНИ АЖРАТИШ ШАРТЛАРИ

- 2.1 Кредитнинг умумий суммаси _____ .00 (_____) сўмни ташкил этади.
- 2.2 Кредит бериш учун Қарз олувчига алоҳида ссуда ҳисобварағи очилади. Қарз олувчининг
- эзма топшириқномаси (аризаси)га асосан ссуда ҳисобварағидан кредит маблағлари нақдсиз шаклда ўтказилади. Қарз олувчининг эзма топшириқномаси (аризаси), ушбу Шартнома тузилган кундан бошлаб бир ой ичида тақдим этилиши лозим (аванс тўловини ўзлаштириш муддати). Бунда 1- босқичда енгил автомашина сотиб олиш бўйича тузилган шартноманинг 90 фоизигача маблағлар (кредит ва бошланғич бадал) сотувчига ўтказиб берилади ва қолгани, яъни 10 фоизи қарз олувчи томонидан банкка автотранспорт воситасининг кузови (VIN) рақами тўғрисида маълумот тақдим этилганидан сўнг ўтказиб берилади.
- 2.3 Ушбу Шартноманинг 2.1- бандида кўрсатилган кредит суммаси Қарз олувчининг эзма топшириқномаси (аризаси) асосида товарлар сотувчиси билан тузилган _____ - сонли шартномага асосан тўловларни нақдсиз шаклда ўтказиш йўли билан амалга оширилади.
- 2.4 Кредит имтиёзли даврсиз билан: 60 ой муддатга берилади.
- 2.5 Кредитдан фойдаланганлик учун фоиз тўлови йиллик _____ % ни ташкил этади. Кредитдан фойдаланганлик учун фоиз ставкаси тури: **ўзгармас**
- 2.6 Кредит бўйича фоизлар Банк томонидан ҳар куни мазкур Шартноманинг 2.5- бандида белгиланган фоиз ставкасида ва кредит берилган санадан бошлаб Қарз олувчининг ссуда ҳисобварағидаги кредит суммаси колдиғига нисбатан ҳисоблаб борилади.
- 2.7 Бошланғич бадал сифатида топширилган _____ (_____) сўм миқдоридagi пул маблағи кредит билан бирга (бошланғич бадал олдиндан ўтказиб берилган ҳолатлар бундан мустасно) енгил автомашина етказиб берувчи ташкилотнинг ҳисобварағига ўтказиб берилади.
- 2.8 Алоҳида шартлар: кредит таъминоти ҳужжатлари (суғурта шартномаси; суғурта полиси ва кредит тўлиқ муддатига суғурта мукофоти тўланганлигини тасдиқловчи ҳужжат) тақдим этилгандан сўнг кредит ажратилади.

II. ҚАРЗ ОЛУВЧИНИНГ ТАСДИҚНОМАСИ

- 3.1 Қарз олувчи (Биргаликда қарз олувчи) қуйидагиларни тасдиқлайди:
- Банкка тақдим этилган (этиладиган) микроқарзни расмийлаштириш ва олиш учун ҳужжатлар ва маълумотлар бундай ҳужжатлар ва маълумотлар тақдим этилган санада ҳақиқий ва ишончли ҳисобланади.
- Қарз олувчига нисбатан фуқаролик, маъмурий ёки жиноят иши қўзғатилмаганлигини;
- Биргаликда қарз олувчи ушбу шартнома мажбуриятлари юзасидан биргаликда жавоб беришини ва ушбу мажбуриятлар ҳақиқий ҳисобланишини.
- Агар Қарз олувчи тўловларни амалга оширишга ёки ушбу Шартномада белгиланган талаблардан исталганини бажаришга қодир бўлмаса, шу жумладан, кредит маблағлари ҳисобига сотиб олинган автомашинани гаровга қўймаса, Банкнинг кредитни муддатидан олдин қайтаришни ва кредитга ҳисоблаб ёзилган фоизлар ва бошқа тўловларнинг муддатидан олдин тўланишини талаб қилишга, ундирувни кредит таъминоти сифатида қабул қилинган ҳар қандай турдаги мол- мулкларга уларни Банк билан келишилган нархларда реализация қилишга, муддатида тўланмаган кредит ва унга ҳисобланган фоизларни Қарз олувчининг (Биргаликда қарз олувчининг) банкларда очилган барча турдаги ҳисобварақларидаги, шу жумладан, унинг депозит ва банк картаси ҳисобварақларидаги пул маблағларини акцептсиз ҳисобдан чиқаришга ҳақли эканлигини тан олишини ва бунга эътироз билдирмаслигини;
- Қарз олувчи ва Биргаликда қарз олувчининг банк карта ҳисобварақлари Банкнинг автотўлов хизматига уланишига рози эканликларини ва ушбу хизмат орқали Банк томонидан кредитнинг тўлов муддати келган қисми ва унга ҳисоблаган фоизларни қоплаш учун етарли бўлган маблағлар Қарз олувчи ва Биргаликда қарз олувчининг банк карта ҳисобварақларидан қўшимча огоҳлантиришларсиз автоматик тарзда ҳисобдан чиқарилиши тушунтирилганлигини.
- Қарз олувчининг ушбу шартномада назарда тутилган мажбуриятларни бажаришдан бош тортиши Қарз олувчининг (Биргаликда қарз олувчининг) ушбу шартномага, Фуқаролик кодексига ва Ўзбекистон Республикасининг бошқа қонун ҳужжатларига мувофиқ жавобгарлик келтириб чиқариши ҳақида огоҳлантирилганлигини;
- Қарз олувчи ўзи ҳақидаги ва унга Банк томонидан ажратилаётган кредит тўғрисидаги маълумотларни “Ўзбекистон Республикаси Марказий банкнинг Кредит ахборотининг давлат реестрини юритиш департаментига” (КАДР), “Кредит ахборотлари таҳлил маркази” Кредит бюроси МЧЖга (КАТМ) ҳамда гаровга тақдим этилган объектлар тўғрисидаги маълумотларни “Гаров реестри” ДУКга тақдим этилишига розилик билдиради.
- кредит маблағлари ҳисобига сотиб олинаётган автомашинани Банкнинг кредит таъминоти сифатида Банкка гаровга қўйишга Қарз олувчи эри/ хотинининг хабари бор ҳамда белгиланган тартибда Қарз олувчи эри/ хотинининг _____.____.20___ йилдаги розилиги (розилик хати) мавжуд.

III. КРЕДИТНИ ТўЛАШ ТАРТИБИ

- 4.1. Қарз олувчи ушбу шартноманинг ажралмас қисми ҳисобланган тўловлар жадвалига мувофиқ ҳар ойлик (даврий) тўловларни босқичма-босқич ўз санаси ва суммаси доирасида, Қарз олувчи билан ҳисоб- китобларни амалга ошириш учун очилган ҳисобвараққа тўлаб боради. Кредитнинг асосий суммаси ва фоизларини тўлаш усули: дифференциал ёки аннуитет (керакли тўловнинг тагига чизилади).
- 4.2. Қарз олувчи томонидан тўланган тўловлар қуйидаги тартибда кредитни коплашга йўналтирилади:
 - а) ушбу шартномасига асосан ҳисобланган неустойкалар;
 - б) кредит бўйича тўлов муддати ўтган фоизлар;
 - в) кредит бўйича тўлов муддати ўтган асосий қарз;
 - г) кредит бўйича тўлов муддати келган фоизлар (даврий тўловларни тўлаш санасида);
 - д) кредит бўйича тўлов муддати келган асосий қарз (даврий тўловларни тўлаш санасида).
- 4.3. Қарз олувчининг сўровига асосан Қарз олувчи билан ҳисоб-китобларни амалга ошириш учун очилган ҳисобвараққа тўланган маблағлар ушбу шартномага мувофиқ кредитнинг муддати келмаган асосий қарзини қисман муддатидан олдин қайтаришга йўналтирилиши мумкин.

- Кредитнинг қисман муддатидан олдин сўндирилиши муносабати билан кредит бўйича тўловларни амалга ошириш саналари ва муддатлари ёки кредитнинг оралиқ асосий қарзи тўловларининг миқдорлари ўзгармайди. Фоиз тўловлари асосий қарзнинг қолдиғига нисбатан ушбу шартнома қоидаларига мувофиқ ҳисобланади.
- 4.4. Банк ушбу шартноманинг 4.1- бандига мувофиқ тўлов муддати келган, лекин тўланмаган кредитни, кредитга ҳисобланган фоиз ва неустойкаларни Банкнинг автотўлов хизмати орқали Қарз олувчининг банк карта ҳисобварақларидан акцептсиз тартибда ечиб олади.
- 4.5. Мазкур шартнома тузилганидан сўнг кредит бўйича молиялаштиришни бошлаш муддатлари ўзгарса, шартнома шартлари томонлар ўртасида қайта кўриб чиқилса (шу жумладан, кредит реструктуризация қилинса), ушбу шартномага қўшимча келишув расмийлаштириш йўли билан тўловлар жадвалига ўзгартириш киритилади.
- 4.6. Қарз олувчи ушбу шартнома ва у билан боғлиқ бошқа ҳужжатларни тайёрлаш, расмийлаштириш, рўйхатга олиш билан боғлиқ барча харажатларни Банкнинг биринчи талабига кўра тўлаб беради.
- 4.7. Мижознинг сўровига (топшириғига) асосан, мижоздан кредитнинг жорий тўлови учун кредитни (қарзни) қайтариш жадвалида белгиланган суммага нисбатан кўп маблағ келиб тушса, у ҳолда банк келиб тушган маблағнинг ортиқча қисмини мижоз кредитининг (қарзнинг) асосий қарзини сўндиришга йўналтирилиши мумкин.

IV. КРЕДИТ ТАЪМИНОТИ БЎЙИЧА ТАЛАБЛАР

- 5.1 Кредит таъминоти қуйидаги кетма-кетлик бўйича амалга оширилади:
 - 5.1.1 Биринчи босқичда - Кредит ҳисобига сотиб олинаётган автомашина қарз олувчи номига расмийлаштирилиб, гаровга тақдим этилгунга қадар, кредит таъминоти сифатида “_____” суғурта компаниясининг _____ (_____) сўмлик кредитни қайтмаслиги суғурта полиси расмийлаштирилади.
 - 5.1.2 Иккинчи босқичда - Қарз олувчи томонидан банкка автотуловнинг кузови (VIN) рақами тўғрисида маълумот олиниб, давлат рўйхатидан ўтказилгандан сўнг 10 кун ичида автоуловни гаровга қўйиш учун нотариал тартибда турмуш ўртоғининг розилик хати тақдим этилганидан кейин банкда гаров шартномаси тузилади ва Гаров реестри орқали "Нотариус" ахборот тизимида тақиқ қўйилади. Шунингдек банк ва суғурта ташкилотига автотранспорт воситаси рўйхатдан ўтказилганлиги тўғрисида гувоҳнома нусхаси тақдим қилинади.
- 5.2 Қарз олувчи кредитни таъминлашни кредит суммасининг камида _____ даражасида тутиш мажбуриятини олади.
 - Гаровга қўйилган автоуловга шикаст етказилган ёки турли сабабларга кўра яроқсиз ҳолга келтирилган тақдирда, Қарз олувчи ўн кун муддат ичида юқори ликвидли бошқа мулкни гаровга қўйиш йўли билан кредит таъминотига алмаштириб бериш мажбуриятини олади.
- 5.4 Кредитнинг таъминланишини белгилувчи ҳужжатлар (битим, шартномалар) ушбу шартнома билан ўзаро боғлиқ ҳисобланади ва мазкур Шартнома бўйича Қарз олувчи томонидан олинган мажбуриятлар бажарилишини таъминлашга хизмат қилади.
- 5.5 Кредитнинг қайтарувчанлигини таъминлаш билан боғлиқ бўлган ҳужжатларни зарур даражада расмийлаштириш бўйича ҳар қандай харажатларни Қарз олувчи (Биргалиқда қарз олувчи) ўз зиммасига олади.

V. ТОМОНЛАРНИНГ ҲУҚУҚЛАРИ

- **6.1 Банкнинг ҳуқуқлари:**
 - 6.1.1. Қарз олувчининг молиявий ҳолатини, гаровга қўйилган мол- мулкни ҳолатини мониторинг килиб туриш;
 - 6.1.2. Қарз олувчидан мажбуриятларни бажаришда назоратни амалга ошириш учун керакли ҳужжатларни сўраб олиш;
 - 6.1.3. Банк ажратилган кредитнинг муддати келган қисмини, кредитга ҳисобланган фоиз ва неустойкаларни Банкнинг автотўлов хизмати орқали Қарз олувчининг банк карта ҳисобварақларидан акцептсиз тартибда ечиб олиш;
- Бундай банк операцияси Қарз олувчини (биргалиқда қарз олувчини) олдиндан огоҳлантиришсиз, тўлов муддати келган санада ва ундан кейинги ҳар қандай санада автоматик амалга оширилади ҳамда амалга оширилган бу турдаги банк операцияси ҳақида

Қарз олувчига (биргаликда қарз олувчи) алоҳида ёзма хабарнома юборилмайди. Қарз олувчининг (биргаликда қарз олувчининг) банк картасида тўлов жадвали бўйича тўловни тўлиқ ўтказиш учун етарли маблағ бўлмаса, банк картасида мавжуд барча маблағлар кредит қарздорлигини қоплашга тўлиқ ўтказилиб, банк картасининг чиқим қисмига тақиқ қўйилади. Қарз олувчининг (биргаликда қарз олувчининг) банк картаси ҳисобварағига тўлов жадвали бўйича қарздорлик тўлиқ қайтарилмагунча келиб тушаётган барча маблағлар кредит қарздорлигини қоплашга йўналтирилиб борилади;

- 6.1.4. Қарз олувчи ушбу Шартнома имзоланган кундан бошлаб кредитни бир ой муддатда ўзлаштирмаган тақдирда, Банк ушбу шартномани бир томонлама тартибда Қарз олувчини ёзма равишда хабардор қилган ҳолда бекор қилиш;
- 6.1.5. Банк томонидан ўрнатилган тартибга мувофиқ, қўшимча харажатлар талаб қилинадиган, қарз олувчининг қўшимча топшириқларини, у томонидан қўшимча харажатлар тўланмагунга қадар бажармаслик;
- 6.1.6. Қарз олувчи томонидан мазкур Шартноманинг 8- бўлимида назарда тутилган мажбуриятларни бажармаслик ҳолатлари юзага келган тақдирда, Банк ўз хоҳишига кўра куйидаги ҳаракатлардан бирини амалга ошириши мумкин:
- Қарз олувчига мажбуриятларни бажармаслик ҳолати юзага келганлиги ва уни бартараф этиш учун муддатни белгиланган ҳолда ёзма билдиришнома (эътироз хати) юбориш;
- Қарз олувчи томонидан мазкур Шартнома бўйича мажбуриятларни бажармаслик ҳолатлари юзага келганда унинг банкдаги барча ҳисобварақларидан маблағларни қарз олувчининг розилигини олмаган ҳолда ечиб олиш;
- кредит қайтариш жадвалида белгиланган тўловлар кечиктирилган ёки тўланмаган тақдирда, Қарздорнинг иш жойига кредит тўловларини ойлик иш ҳақидан тўлаб бориш юзасидан мурожаат қилиш;
- ушбу Шартнома бўйича мажбуриятларнинг бажарилишини қўшимча равишда таъминланишини талаб қилиш;
- Қарз олувчидан кредитнинг ҳаммасини ёки унинг бир қисмини ушбу Шартноманинг 8- бўлимида кўрсатилган ҳолатлар юз берганда белгиланган тартибда муддатидан олдин қайтаришни талаб қилиш;
- кредит бўйича барча қарздорликларни кредит таъминоти юзасидан тузилган шартномаларда (гаров, кафиллик ва ҳ.к.) белгиланган тартибда таъминотга қаратган ҳолда ундириш.
- 6.1.7. Банк амалдаги қонун ҳужжатларига мувофиқ бошқа ҳуқуқларга ҳам эга.
- **6.2 Қарз олувчининг ҳуқуқлари:**
- 6.2.1. Ушбу Шартноманинг 2.2- бандида кўрсатилган давр мобайнида ва мазкур Шартномада кўрсатилган сумма ва мақсадлар доирасида ссуда ҳисобварағидан тўловни амалга ошириш бўйича ариза бериш;
- 6.2.2. Банкни олдиндан (5 кун ичида) хабардор қилиб, кредитни олишдан тўлиқ ёки қисман тўловсиз воз кечиш;
- 6.2.3. Мазкур Шартнома шартларига амал қилган ҳолда қарздорликни муддатидан олдин сўндириш;
- 6.2.4. Ушбу Шартнома бўйича ўз зиммасига олган мажбуриятларни тўлиқ бажарган ҳолда мазкур Шартномани муддатидан олдин бекор қилиш.

VI. ТОМОНЛАРНИНГ МАЖБУРИЯТЛАРИ

- **7.1 Банкнинг мажбуриятлари:**
- 7.1.1. Кредит бериш учун Қарз олувчи томонидан барча зарур шартлар бажарилгач, кредит маблағларини Қарз олувчининг ёзма топшириқномасига (аризасига) асосан автомашина сотувчисининг (диллернинг) ҳисобварағига белгиланган тартибда ўтказиб бериш;
- 7.1.2. Қарз олувчини кредит учун тўловларни оширилиши ёки камайтирилиши сабаблари, кредитни беришни рад этиш, кредитни муддатидан олдин ундириш ва ундирувни кредит таъминотига қаратиш сабаблари тўғрисида ёзма равишда хабардор қилиш.
- **7.2 Қарз олувчининг мажбуриятлари:**
- 7.2.1. Кредитдан фойдаланиш жараёнида олинган истеъмол кредитини ва у бўйича ҳисобланган фоизларни ушбу Шартнома шартларига ҳамда тўлов жадвалига мувофиқ муддатида тўлаб бориш;
- 7.2.2. Қедитлашнинг мақсадлилиқ, таъминланганлик, муддатлилиқ, қайтарилувчанлик ва тўланувчанлик тамойилларига қатъий амал қилиш;

- 7.2.3. Банк сўровига биноан Банк вакилларига кредит таъминотига олинган мол- мулк, кредитга тааллуқли бўлган бошқа мол- мулкларни кўздан кечириш ва ушбу Шартнома бўйича Қарз олувчининг мажбуриятларини бажарилишига тааллуқли бўлган ҳар қандай турдаги бошқа мол- мулкларни бориб кўриш имкониятларини яратиб бериш ва ушбу жараёнларга тўсқинлик қилмаслик;
- 7.2.4. Банк талабига биноан ушбу Шартнома амал қиладиган бутун давр мобайнида, Банкни кониқтирадиган шакл ва мазмун бўйича Қарз олувчи, кафилнинг даромадлари тўғрисидаги ахборотни ва ушбу истеъмом кредитига тегишли бўлган бошқа маълумот ва ҳужжатларни Банкка тақдим этиш;
- 7.2.5. Почта ва электрон манзили, телефон рақами, иш жойи, фамилияси ёки исмидаги ва ушбу шартнома бўйича мажбуриятларнинг бажарилишига таъсир кўрсатишга қодир бўлган бошқа ҳолатлардаги ўзгаришлар тўғрисида Банкни 5 (беш) банк куни мобайнида хабардор қилиш;
- 7.2.6. Ушбу Шартнома амал қиладиган муддат мобайнида Қарз олувчи Банкнинг олдиндан розилигисиз ушбу Шартномага ёки унинг шартларига зид бўлган бошқа турдаги битимларни, гаровдаги мол- мулкларни бегоналаштириш ва учинчи шахслар тасарруфига ўтказиш билан боғлиқ ҳужжатларни расмийлаштирмаслик ва учинчи шахсларнинг кредитларини ва/ёки қарзларини жалб қилмаслик;
- 7.2.7. Қарз олувчининг учинчи шахслар олдидаги бошқа мажбуриятларидан олдин, ушбу Шартнома бўйича ўз зиммасига олган мажбуриятларни биринчи навбатда бажариш;
- 7.2.8. Мазкур шартноманинг 5.1.2- бандида назарда тутилган барча ҳужжатларни Банкка тақдим қилиш ҳамда кредит ҳисобига сотиб олинган автоуловни гаровга қўйиш (гаров шартномасини имзолаш);
- 7.2.9. Мажбуриятларни бажариш таъминоти сифатида тақдим этилган мол- мулкни ўз ҳисобидан кредит муддатига мос муддатга суғурталаш (пул маблағлари гаровидан ташқари).
- 7.2.10. Банк кредити ҳисобига сотиб олинган автомашинани мазкур шартноманинг 7.2.8- бандида кўрсатилган барча мажбуриятларни бажарганидан сўнг автосалондан олиб чиқиш.

VII. МАЖБУРИЯТЛАРНИНГ БАЖАРИЛМАСЛИК ҲОЛАТЛАРИ

- 8.1 Ушбу бандда қайд этилган ҳодисалардан исталгани Қарздор томонидан мажбуриятларнинг бажарилмаслиги ҳолатлари ҳисобланади:
- кредит ресурсларидан белгиланган мақсадларда фойдаланмаслик;
- Қарз олувчи (Биргалиқда қарз олувчи) кредит, фоизлар ва/ёки бошқа тўловлар бўйича ушбу Шартнома, унинг бўйича тўловлар жадвали, шунингдек, тузилиши ушбу Шартномада белгиланган бошқа шартномалар бўйича белгиланган санада тўловларнинг амалга оширилмаганлиги;
- кредитлаш объектини сотувчи/ етказувчи/ бажарувчидан олинганлигини тасдиқловчи ҳужжатларнинг Банкка тақдим этилмаганлиги;
- Банкни атайлаб ҳаққоний бўлмаган ҳужжатлар тақдим этган ҳолда чалғитиш;
- Банкни талаби бўйича кредит ҳисобига сотиб олинган товарлар/хизматлар/ишларни кўздан кечириш талабларини бажармаслик;
- Қарз олувчи (Биргалиқда қарз олувчи) томонидан кредит таъминоти бўйича Банкка берилган исталган таъминот турининг қисман ёки тўлиқ ўз қийматини йўқотганлиги ёки уларга бўлган мулк ҳуқуқининг ҳақиқий эмас деб топилганлиги;
- Қарз олувчи (Биргалиқда қарз олувчи) ва/ ёки кафилнинг тўлов қобилиятининг ёмонлашганлиги ёки ушбу Шартнома бўйича мажбуриятларни бажарилмаслигига олиб келадиган аниқ маълумотларнинг яширилганлиги;
- Кредит таъминоти сифатида Банкка гаровга тақдим қилинган ҳар қандай турдаги мол- мулкларни бегоналаштириш ҳамда учинчи шахсларнинг тасарруфига бериш;
- мазкур Шартноманинг 5.1.2- бандида белгиланган муддатларда ва тартибда кредит маблағлари ҳисобига сотиб олинган автомашинани гаровга қўймаслик ёки уни гаровга қўйишдан бўйин товлаш;
- ушбу Шартнома шартлари ва унда назарда тутилган мажбуриятларнинг бажарилмаганлиги ёки лозим даражада бажарилмаганлиги;
- мазкур Шартнома билан боғлиқ бўлган бошқа шартномалар шартларининг (гаров, кафиллик ва ҳ.к.) бузилиши.

VIII. ТОМОНЛАРНИНГ ЖАВОБГАРЛИГИ

- 9.1 Томонларнинг ушбу Шартномада кўзда тутилган мажбуриятларни бажаришдан бош тортиши мазкур Шартнома шартлари ва Ўзбекистон Республикасининг амалдаги қонунчилигига мувофиқ жавобгарликка сабаб бўлади.
- 9.2 Асосий қарзни кайтариш муддати кечиктирилганда (муддати ўтган кредитга), Қарз олувчи Банкка бутун кечиктирилган давр учун ушбу Шартномада белгиланган фоизнинг 1,2 баравари миқдорида фоиз тўлайди.
- 9.3 Фоизларни белгиланган муддатларда тўламаганлиги учун Қарз олувчи Банкка кечиктирилган тўловнинг ҳар бир куни учун кечиктирилган тўлов суммасининг 0,1 фоизи миқдорида, аммо кечиктирилган тўлов суммасининг 15 фоизидан ошмаган миқдорда пеня тўлайди.
- 9.4 Қарз олувчи кредит маблағларидан мақсадсиз фойдаланса, Банкка мақсадсиз фойдаланган кредит суммасининг 20% миқдорида жарима тўлайди.
- 9.5 Қарз олувчи томонидан ушбу Шартноманинг 5.1.2- бандида белгиланган тартибда ва муддатларда кредит ҳисобига сотиб олинган автомобилни Банкка кредит таъминоти сифатида гаровга қўйиш кечиктирилган тақдирда, Қарз олувчи Банкка гаровга қўйиш кечиктирилган ҳар бир кун учун гаров мулки умумий суммасининг 0,1 фоизи миқдорида, лекин кредит умумий суммасининг 15 фоизидан ошмаган миқдорда пеня тўлайди.
- 9.6 Қарз олувчи кредит маблағлари ҳисобига сотиб олинган автомобилни Банкка гаровга қўйишдан бош тортса, автомобилни ширса, шунингдек, ушбу автомобиль ва гаровга тақдим қилинган бошқа турдаги мол- мулкларни бегоналаштирса, учинчи шахслар ихтиёрига берса ва ушбу мол- мулкларни ноқонуний йўллар билан учинчи шахсларга реализация қилса ёки бошқа тарзда ўтказса, кредит умумий суммасининг 20 фоизи миқдорида Банкка жарима тўлайди.
- 9.7 Қарз олувчи томонидан ушбу Шартноманинг 2.2 ва 2.3- бандларида кўрсатилган шартлар бажарилиб, Банк кредитни ўз вақтида ажратмаган ҳолатда, Банк Қарз олувчига муддатида ўтказиб берилмаган кредит суммасининг кечиктирилган ҳар бир куни учун 0,1 фоиз миқдорида, лекин муддатида ўтказиб берилмаган кредит суммасининг 20 фоизидан юқори бўлмаган миқдорда пеня тўлайди.
- 9.8 Мазкур Шартнома шартларининг бажарилмаганлиги ёки лозим даражада бажарилмаганлиги натижасида неустойкаларнинг ундирилиши (тўланиши) Томонларни ўз зиммаларига олган мажбуриятларни бажаришдан озод қилмайди.

IX. ФОРС-МАЖОР ҲОЛАТЛАРИ

- 10.1 Томонлар ушбу Шартнома бўйича мажбуриятларнинг қисман ёки тўлиқ бажарилмаганлиги учун, агар ушбу бажарилмаганлик шартнома тузилгандан кейин, Томонлар олдиндан кўра олишмаган, оқилона чоралар билан бартараф этиши мумкин бўлмаган фавқулоддаги ҳодисалар натижасида вужудга келган, энгиб бўлмайдиган куч ҳолатларининг оқибатлари ҳисобланса, томонлар жавобгарликдан озод этилади, хусусан: ёнғин, табиий офат ва ушбу Шартнома шартларини бажаришга тўсқинлик қилувчи, томонларга тааллуқли бўлмаган бошқа ҳодисалар форс-мажор ҳолатлари ҳисобланади.
- 10.2 Шартноманинг 10.1- бандида кўрсатилган энгиб бўлмайдиган куч ҳолатларига тушган томон бошқа томонни бундай ҳолатлар ошланганлиги тўғрисида ёзма равишда 2 (икки) кун ичида хабардор қилиши ва тугаганлиги тўғрисида ҳам иккинчи томонга маълум қилиши шарт.
- 10.3 Энгиб бўлмайдиган куч ҳолатлари содир бўлган тақдирда, Шартноманинг амал қилиш муддати шундай ҳолатлар ва унинг оқибатлари бутун даврига тенг муддатга узайтирилади.

X. НИЗОЛАНИ ҲАЛ ҚИЛИШ ТАРТИБИ

- 11.1. Томонлар ўртасидаги келишмовчиликлар ва/ ёки ушбу Шартномада назарда тутилмаган низоли вазиятлар юзага келган, шунингдек Шартноманинг 7 ва 8-бўлимларида назарда тутилган мажбуриятларни бажармаслик ҳолатлари юзага келган тақдирда, Томонлар Ўзбекистон Республикасининг амалдаги қонун ҳужжатларига амал қилган ҳолда барча келишмовчиликларни музокара йўли билан ҳал этадилар.

- 11.2. Томонлар ўртасида юзага келган низо ва келишмовчиликлар музокара йўли билан ҳал қилинмаган тақдирда, улар Ўзбекистон Республикасининг амалдаги қонунчилигига мувофиқ, Банкнинг ушбу шартнома асосида кредит ажратган филиали жойлашган ҳудуддаги судга мурожаат қилиш орқали ҳал этилади (Шартнома бўйича судловга тегишлилик). Банк ушбу шартнома бўйича вужудга келган кредит қарздорлигини ундиришнинг суддан ташқари соддалаштирилган усулларида (Нотариусга ижро хати ёзишни сўраб мурожаат қилиш ва ҳоказо) ҳам фойдаланиши мумкин.
- 11.3. Банк кредит маблағларининг муддатида қайтарилмаганлиги натижасида вужудга келадиган низоларни судгача ҳал қилишнинг куйидаги усулларида фойдаланиши мумкин:
- Қарз олувчини кредит тўловларини амалга ошириши тўғрисида оғзаки ва ёзма равишда огохлантириш;
- Қарз олувчи (Биргаликда қарз олувчи)нинг банкдаги барча ҳисобварақларидан (депозит, банк картаси ва х.к.) маблағларни унинг розилигини олмаган ҳолда ечиб олиш.
- 11.4. Банкнинг ушбу Шартноманинг 11.3- бандида кўрсатилган усуллардан фойдаланмаслиги уни судга мурожаат қилиш ҳуқуқидан маҳрум қилмайди.

XI. ШАХСГА ДОИР МАЪЛУМОТЛАР

- 12.1. Қарз олувчи (Биргаликда қарз олувчи) ушбу шартномани имзолаш орқали Банкка Қарз олувчи (Биргаликда қарз олувчи)нинг шахсига оид маълумотларга ишлов беришга ўз розилигини беради.
- 12.2. Банк Қарз олувчи (Биргаликда қарз олувчи)нинг шахсига оид маълумотларига куйидаги мақсадларда ишлов беради ва ишлов бериши мумкин:
 - - ушбу шартнома бўйича Банкнинг ҳуқуқларини амалга оширишда ва мажбуриятларини ижро қилишда;
 - - Қарз олувчи (Биргаликда қарз олувчи) ҳуқуқ ва мажбуриятларини лозим даражада амалга оширилишини таъминлашда;
 - - Қарз олувчи (Биргаликда қарз олувчи) тўғрисидаги кредит ахборотини олишда;
 - - Банкка кредит ресурсларини тақдим қилувчи томонидан талаб қилган маълумотларни тақдим қилишда (кредит жалб қилинган ресурслар ҳисобидан амалга оширилган тақдирда);
 - - кредит таъминотида оид битимларни расмийлаштириш учун нотариус, суғурта компаниялари, гаров реестри, кадастр ва ички ишлар идораларига мурожаат қилишда;
 - - муайян банк хизматининг самарадорлигини баҳолаш учун маркетинг изланишларини ўтказиш, таҳлилий ёки статистик маълумотларни тайёрлаш ва умумлаштиришда;
 - - Банк бошқарув органлари, назорат органлари, аудитор ёки потенциал инвесторлар учун Банкнинг фаолияти ва молиявий ҳолатига оид ҳисоботларни тайёрлашда;
 - - Қарз олувчи (Биргаликда қарз олувчи) ҳақидаги маълумотларни верификация қилиш, шу жумладан, фирибгарлик ҳолатларига йўл қўйилмаслиги, жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролларини тарқатишни молиялаштиришга қарши курашиш мақсадида;
 - - давлат идоралари ҳамда бошқа жисмоний ва юридик шахсларга муддати ўтган кредит қарздорликларини ундириш учун мурожаат қилишда;
 - - янги банк хизматларини таклиф этиш мақсадида;
 - - юқоридаги мақсадларни амалга ошириш учун шахсга оид маълумотлар акс этган ҳужжатларни маълумот алмашилиш учун алоқа (почта) хизмати кўрсатувчи ташкилотларга тақдим қилиш, электрон ахборот алмашилиш дастурлари базаларига жойлаштиришда.
- 12.3. Қарз олувчи (Биргаликда қарз олувчи) ушбу шартномани имзолаш орқали Банкка Қарз олувчи (Биргаликда қарз олувчи)нинг шахсига оид маълумотларга ишлов беришга берган розилиги ушбу шартноманинг 13.5-бандига мувофиқ мазкур шартномага қўшимча келишув тузиш орқали чақириб олинishi мумкин.

XII. БОШҚА ШАРТЛАР

- 13.1. Ушбу Шартнома Қарз олувчининг учинчи шахслар билан тузган ҳар қандай турдаги шартномалари (битимлари)дан юридик жиҳатдан мустақил бўлиб, Қарз олувчи учинчи шахслар билан тузган шартномалари (битимлари) қоидаларига асосланиб Банкка эътироз билдирмайди.
- 13.2. Ҳар бир томон ушбу Шартнома предмети ва шартларига боғлиқ маълумотларнинг махфийлигини сақлайдилар. Ушбу маълумотларнинг Ўзбекистон Республикаси қонунчилигига кўра тегишли органларга берилиши бундан мустасно
- 13.3. Ушбу Шартнома томонлар ўртасида имзоланганидан сўнг кучга кирази ҳамда Томонлар ўз мажбуриятларини тўлиқ бажаргунларига қадар амал қилади.
- 13.4. Мазкур Шартномани ўзгартириш ва бекор қилиш томонларнинг келишувига кўра ёки Ўзбекистон Республикасининг қонун ҳужжатларига мувофиқ суд тартибида амалга оширилиши мумкин.
- 13.5. Ушбу Шартномага барча ўзгартириш ва қўшимчалар ёзма шаклда, имзолаган қўшимча келишувлар тарзида расмийлаштирилади. Ушбу Шартнома ва қўшимча келишувлар шартлари бир-бирига зид бўлган тақдирда, қўшимча келишув шартлари амал қилади.
- 13.6. Банк ушбу шартнома доирасидаги ҳар қандай хабарнома, огоҳлантириш ёки талабномани ўз ихтиёрига кўра Қарз олувчи томонидан ушбу шартноманинг 14- бўлимида кўрсатилган почта манзилига буюртма хат кўринишида, телефон рақамига СМС- хабар кўринишида ёки электрон манзилига электрон хабар кўринишида юбориши мумкин.
- Хабарнома, огоҳлантириш ёки талабномани ушбу бандда кўрсатилган усулларнинг фақат биттасидан фойдаланган ҳолда юборилиши Қарз олувчига ушбу хабарнома, огоҳлантириш ёки талабнома лозим даражада етказилган деб ҳисоблаш учун кифоя.
- 13.7. Мазкур Шартнома ўзбек тилида томонлардан ҳар бири учун, бир хил юридик кучга эга бўлган ўзбек тилида 2 (икки) нусхада тузилган.
- 13.8. Мижоз кредит маблағлари ҳисобидан сотиб олинган автотранспорт воситасини банк билан гаров шартномаси расмийлаштирмасдан диллердан олиб кетиш мумкин эмас. Жисмоний шахсга автомашинани бериш филиал раҳбари ёки фронт- офис бошлиғи томонидан имзоланган автомашина банк ҳисобига гаровга олинганлиги тўғрисидаги банкнинг хати асосида амалга оширилади.

XIV. ТОМОНЛАРНИНГ РЕКВИЗИТЛАРИ ВА ИМЗОЛАРИ

Банк: _____	
Манзил: _____	телефон (факс): _____
х/р: _____ ИНН: _____	МФО: _____
Филиал бошқарувчи ўринбосари-фронт офис бошлиғи	_____
_____	—

Қарз олувчи: _____
Паспорт маълумотлари: AA000000, 18.02.2023 йилда _____ томонидан берилган
Манзил: НУКУС ШАХРИ АБАДАН КУЧАСИ

Ушбу шартномани ўқиб чиқдим, ушбу шартноманинг сўзлари, бўлимлари ва бандларининг маъноси, мазмуни ва аҳамияти менга тушунарли, шу муносабат билан ушбу шартномани имзолайман ва унинг шартларини ва унда ўзимга юклатилган мажбуриятларни сўзсиз ижро этиш учун қабул қиламан.

(Қарз олувчининг Ф.И.Ш. тўлиқ, ўз қўли билан ёзилади) (имзо)